

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Të pathënat e jetës së Alket Rizait, mes burgut e arratisjeve
ADRESA	https://a2news.com/shqiperia/kronike/te-pathenat-e-jetes-se-alket-rizait-mes-burgut-e-ar-ratisjeve-i1185957
BURIMI	a2news.com
GJENDJA	online

KOHA


KAPUR NGA NE	27 shtator 2026, 16:40:59 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	27 shtator 2026, 16:14:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	f5a1a831f78dcf0fcfcfcbb3d8b50a4e849c1f737ec33814fdcdb323431e2751
TEKSTI	f2df7a6f6815e951471326106f42fd66973fd022df4fa8531957a86ad43e0afe
PAMJA	089ea63b0193a3bcc4d77413b3725a060a1f8b68605a5121e8246b1dbbdecabd0

ZINXHIRI I PROVËS

KJO HYRJE	948b5f3d178aa42728ff87337b72a571ed0bb5058f2daa5ec1025414da59c8d1
E MËPARSHMJA	—
RRËNJA MERKLE	622c8162b2af4b3a4f32b10517ab558346d08e6b143a7ec62e7fa674754e4065
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/948b5f3d178aa42728ff87337b72a571ed0bb5058f2daa5ec1025414da59c8d1>


PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Të pathënat e jetës së Alket Rizait, mes burgut e arratisjeve

Nga Igli Çelmeta
27 Shtator 2026, 18:14 | Kronikë



Nëse historia e tranzicionit të Shqipërisë do të kishte qenë ndryshe, edhe fati i qindra mijëra të rinjve që emigruan do të ishte tjetër. Të gjendur mes dallgëve të jetës, disa ia dolën të çajnë përpara, disa mbeten mes tyre, disa u zhytën. Alket Rizai është një prej tyre.

Alket Rizai, 48 vjeç, lindi më 24 maj 1978 në fshatin Aranitas të Ballshit. Deri në moshën 16-vjeçare jetoi mes Ballshit dhe vendlindjes së tij. Familja e përbërë nga 5 persona, dy prindërit dhe dy vëllezërit prej vitesh kanë jetuar në qendër të Ballshit aty ku kishin banesën dhe një lokal të vogël me të cilin siguronin jetesën me vështirësi.

Nuk e harruan asnjëherë edhe vendlindjen e tyre fshatin Aranitas, aty ku edhe Alketi kaloi fëmijërinë e tij, ndërsa ndërtuan edhe një shtëpi në Aranitas në lagjen "Lumar", ku më shumë qëndron babai i Alketit.

Në vendlindjen e Alket Rizait

Emisioni "Drit'hije" udhëtoi në vendlindjen e Alket Rizait, kontaktuan në telefon me familjen e tij, nënën, Donikën dhe të atin Ramizin, tashmë në moshë të thyer. Në pamundësi shëndetësore dhe të lodhur nga vitet e shumta të pritjes ata kishin vendosur të mos dilnin në kamera dhe të flisnin në media që prej herës së fundit në vitin 2013.

"Faleminderit, por unë nuk flas, jam me tension. Unë kam folur 25 vite dhe jam e stresuar, Zoti ma di", janë fjalët e nënës së Alket Rizait.

Në hyrje të Aranitasit ndodhet lokali i fshatit, aty ku mbledheshin burrat e zonës. Aty gjejmë shokë të fëmijërisë, kushërinj, të afërm dhe xhaxhanë e Alket Rizait që rrëfejnë jo pak kujtime me Alketin, që tashmë ka realizuar arratisjen e tretë nga Greqia.

Të afërmit e Alketit zbulojnë pasionet e tij dhe se si ai e kishte kaluar fëmijërinë në fshatin Kalenjë të dajat e tij dhe në Aranitas, dy fshatra ngjitur me njëri-tjetrin. Që në vegjëli ai kishte pasion futbollin dhe peshkimin, ku gjithmonë shkonte të peshkonte në lumin e fshatit.

Ndonëse në shtetin fqinj është i shumëkërkuar, në fshat kanë mendim ndryshe.

Për ta Alketi nuk është vrasës dhe besojnë se është arratisur nga burgu për të vërtetuar të kundërtën për të cilën është dënuar.

Dënimet e Alket Rizait i lidhin edhe me pretendimet që kanë për marrëdhëniet e vendit tonë me Greqinë, sepse, sipas tyre, shteti Helen nuk i ka trajtuar si duhet shqiptarët në

TE FUNDIT

Formacionet zyrtare të ndeshjes Austri-Kosovë, Zhegrova në stol

Tabaku: Shqipëria nuk vuan nga një "republikë prokurorësh", por nga një republikë të korruptuarish

Pas fitores me Bjellorusinë, kuqezinjtë vijnë për gatitjet për duelin ndaj San Marinos

Kina merr timonin në tregun e veturave elektrike në Kosovë

MË TË VIZITUARAT

Hetimi ndaj Vlora Hysenit, Rama: Përgjegjësi individuale me drejtësinë, nuk p...

Mbi 700 mijë vetë mbushin sheshin në Paris, Papa në meshën gjigante, vlerëson...

Në Vlorë me kampera, qyteti bregdetar që vijon të tërheqë turistët e huaj

LIVE UPDATES

Mbretëria e Bashkuar paralajmëron paketë të re sanksionesh ndaj Rusisë

LIVE | Gjithçka rreth Samitit Ukrainë-Europa Juglindore

Blinken në Tiranë, vizita e Sekretarit Amerikan të Shtetit në Shqipëri

burgje.

Edhe pse me vuajtje dhe dhimbje, familja e Alket Rizait prej rreth 25 vitesh e ka djalin në qeli, nëna e tij ka arritur që ta shohë dhe ta takojë në burg në Greqi.

Nuk është lëgjdendë, por policia greke e ka kërkuar dhe në Aranitas. Banorët tregojnë histori interesante të viteve më parë, kur Alket Rizai ishte arratisur nga burgjet e forcat e rendit kishin ardhur ta gjenin në fshat, madje një herë menduan se e arrestuan. Në të vërtetë ndaluan Alket Rizain, por jo atë që ishte arratisur, por një banor që kishte të njëjtin emër e mbiemër, ndaj e kishin lënë të lirë.

Të afërmit e Alketit kanë edhe një mesazh për të, pasi prej gati 34 vitesh nuk e kanë takuar.

Nga fshati Aranitas largohemi për t'u drejtuar drejt Ballshit, aty ku Alketi jetoi deri në moshën 16 vjeçare dhe kreu edhe shkollën, edhe pse vetën deri në vitin e dytë të gjimnazit, pasi më pas mori rrugën për në Greqi, për të siguruar më shumë të ardhura për familjen. Ai ishte më i vogli i tre djemve dhe ka qenë një fëmijë i shkathët dhe shumë i zgjuar. Që në vegjëli në shkollë ai kishte një pasion të veçantë, të cilin ndoshta mund ta shndërronte në profesion nëse e ardhmja e tij do të ishte ndryshe, elektronikën. Në moshën 10-vjeçare i rregullonte gjithë fëmijëve të qytetit kompjuterat Rambo të asaj kohe.

Ballshi, një qytezë e vogël, që kur përmend emrin e Alket Rizait të gjithë kthejnë kokën për të dëgjuar. Në këtë qytezë, askush nuk i ka dënuar veprimet e tij, ndërkohë që kamera e "Drit'hije" ndaloj para lokalit dhe banesës së prindërve të tij në Ballsh. Biznesi tashmë është mbyllur, ndërsa shtëpia vijon të ketë ende brenda kujtimet e Alketit dhe dy vëllezërve të tij, të cilët po ashtu jetojnë jashtë atdheut.

Në moshën 16 vjeçare në vitin 1994 Alketi u largua në mënyrë ilegale nga malet për në Greqi për të punuar. Malorja e parë e jetës së tij ishin kodrat e kufirit mes dy shteteve të cilat i kaloi në këmbë me shpresën e një jete më të mirë, edhe pse për të historia tregoi të kundërtën.

Kthesa e jetës, nga Aranitasi në Greqi

Fillimisht, në Greqi në moshë të re Alketi punoi si të gjithë të rinjtë shqiptarë pas tranzicionit në emigrim e me të ardhurat ndihmonte familjen në Shqipëri. Në ndihmë i erdhën katër gjuhët e huaja që i fliste. Ndër njohjet e tij të viteve të para në Greqi ishin edhe vajzat simpatike, të cilat shihin te ai djalin simpatik që ngjasonte si një aktor filmi. Alketi u lidh me një vajzë të bukur ruse Oksanën, dhe këtu jeta mori një rrjedhë tjetër. Nga një i ri shqiptar që erdhi në Greqi në moshën 16 vjeç, Alket Rizaj evoluoi në një nga të dënuarit më famëkeq të vendit fqinj.

Në vitin 2003, ai u dënua për vrasjen e Thanasis Koropiotis. Ngjarja ka ndodhur më 3 maj 2003. Autorët e rrëmbyen të riun helen dhe më tej me një makinë e dërguan në pyjet e zonës së Atikës, ku edhe e ekzekutuan e më pas zhdukën kufomën. Fillimisht, policia arrestoi tre persona, dy grekë dhe një ruse, ndërsa një muaj më vonë u ndalua edhe i dyshuari shqiptar. Edhe pse u dënua Alket Rizai nuk e ka pranuar krimin. Por historia më e famshme e jetës së tij kriminale ende nuk ishte shkruar.

Arratisja e parë spektakolare me helikopter në 2006

Në maj të vitit 2003, rojet e burgut gjetën në qelinë e tij një plan të detajuar të burgut dhe menjëherë e transferuan atë në institucionin e sigurisë së lartë të vuajtjes së dënimit Korydallos pranë Athinës. Një nga më famëkeqët në Europë. ishte shtëpia e vrasësve, kriminelëve të luftës dhe terroristëve.

Pak pasi kishin kaluar gjashtë vite nga dënimi me 25 vite për rrëmbim dhe vjedhje bankash, personazhi i njohur i botës së krimit në Greqi Vasilis Paleokostas u bë mik me Alket Rizain. U deshën vetëm 20 ditë që të hartonim planin e arratisjes. Rizai kishte folur me nënën e tij në telefon dhe i kishte thënë "drejtesia shume shpejt do te shkoje ne vend", edhe pse ajo kurrë nuk e kishte menduar se djali i saj po përgatiste një arratisje.

Më 4 qershor të vitit 2006, në orën 18:15, pranë Athinës, piloti i një helikopteri tregtar, i quajtur Karikis, po hipte në Eurocopter-in e bardhë AS355N.

Ish-ushtaraku ofronte udhëtime për kënaqësi për firmën Airlift, por pesë minuta pasi ishin ngritur një ajër, një nga dy pasagjerët i vuri një armë në qafë. Udhëtimi për kënaqësi i erdhi fundi, ishte Nikos Paleokostas dhe ai do shpëtonte vëllain e tij, Vasilis dhe mikun e tij, shqiptarin Alket Rizai.

Brenda dhjetë minutash, helikopteri mund të shihet burgun Korydallos dhe e reduktoi shpejtësinë në 70 milje për orë.

"Ne shqyrtuam mundësinë për të punësuar një pilot, por një pilot i frikësuar është më mirë," deklaronte Rizai vite më parë në një dokumentar të BBC.

Rojet e burgut, duke menduar se ishte ndonjë autoritet i burgjeve që po arrinte për një inspektim të beftë, rregulluan uniformat. Ndërsa helikopteri u ul në oborrin e stërvitjes, motorët ngritën në ajër një stuhi me pluhur ngjyrë kafe.

Piloti bërtiti: "Ata kanë granata. Ata kanë eksplozivë". Një rojë ulëriti: "Arratisje, arratisje".

Ajo kishte filluar tashmë. Pak momente më vonë, Vassilis Paleokostas dhe Rizai hipën në helikopter dhe ai u ngrit në ajër. Rojet drejtuan armët, por nuk qëlluan sepse e dinin mirë se ç'do ndodhte. Burgu është në një zonë rezidenciale me pemë portokalli dhe fëmijët po gjuanin topin në muret e burgut.

Rizai shpjegon: "Qëllimi përfundimtar në një arrati nga burgu është që të largohesh me stil dhe të thuash "Gëzuar" dhe "Bravo" ndërsa largohesh".

Në Skisto, në veri të Athinës, helikopteri u ul me qetësi në një varrezë, aty u shfaqën dy motoçikleta. Paleokostas dhe Rizai ishin nisur për në rrugën e gjatë të lirisë.

Pas arratisjes nga burgu në vitin 2006, Alket Rizai u kap shpejt. Sipas policisë, mësohet se për të humbur gjurmët nga policia greke, kishte ndryshuar luk, kishte lënë mjekër dhe kishte lyer flokët, duke i transformuar nga ngjyrë të zezë në blond. Më 2 gusht 2008, u arrestua edhe Vassilis Paleokostas.

Gjatë periudhës që ishte në arrati, më 26 gusht 2006, Rizai akuzohet se vrau 43-vjeçarën Konstantinos Koutelieris dhe 36-vjeçarën Ioannis Katsios. Rizai asokohe e ka mohuar të jetë përfshirë në këtë krim dhe sipas tij drejtësia greke nuk gjeti kurrë prova ta implikonte. Sipas hetimeve, vrasjet u kryen me urdhër të një prej figurave të fuqishme të mafies greke, Vasilis Stefanakos, i cili u vra vite më pas.

Arratisja e dytë spektakolare me helikopter në 2009

Në vitin 2009 në Athinë do të mbahej gjyqi për Alekt Rizain dhe vëllezërit Paleokostat për arratisjen e vitit 2009. Një turmë u mbledh jashtë gjykatës. Fermerë, fshatarë dhe anarkistë thërrisnin: "Vdekje derrave! Liri për vëllezërit Paleokostas!". Një grup me vajza të reja pushtuan sallën e gjyqit. Në këtë kohë, e dashura magjepsëse e Alket Rizait, Soula Mitropia, bëri bujë në sallën e gjyqit.

Ndërkohë që Rizai kthehej në gjykatë për t'u dënuar me 25 vite, e dashura e tij nisi të qante dhe i hodhi krahët rreth tij. Kur askush nuk po shihte, ajo i futi një orë misterioze në xhep. Pas gjyqit, gjykatësi e dërgoi Paleokostas në qelinë e tij të vjetër në Korydallos, së bashku me Alket Rizain, në pritje të dënimit.

Dhe ajo që ndodhi më 22 shkurt 2009, do i bënte të famshëm në mbarë botën.

Fluturimi i dytë

Për rojet që po shihnin kamerat e sigurisë, ai mëngjes ishte si çdo tjetër. Paleokostas po bënte palestër dhe Rizai po përzgjidhte fituesit në një lojë me baste.

Në një dokumentar Rizai kujton: "Jam një njeri që kam intuitë. I ndjej gjërat, kur diçka e mirë do të ndodhë, e ndjej".

Në orën 15:00, e dashura Mitropia i telefonoi në orën- celular që i kishte futur në xhep. Ishte momenti. Sirena e urgjencës në burgun Korydallos nisi të vajtonte si një violinë, ndërkohë që rojet urdhëruan të burgosurit të futeshin brenda. Ishte ora 15:45, një ditë përpara se të niste gjyqi ndaj Rizait dhe Paleokostas.

Sipër në qiell, një rojë nga kulla po ndjente zhurmën e helikave. Kur helikopteri i ul në krahun e djathtë të brugut, roja kapi automatikun dhe i ra alarmit.

Nuk ishte një stërvitje, këtë herë ata duhet të qëllonin për të vrarë. Helikopteri ishte rrëmbyer nga një kompani e quajtur Interjet, që i ofronte me qira. Në bordin e mjetit fluturues AS355N kishte hipur një bukuroshe e quajtur "zonjusha Alexandrova". Pasi nxori një granatë dore nga çanta, i tha pilotit: "Le të shkojmë të marrim djemtë. Burgu Korydallos ose do vdesësh".

Ndërkohë që helikopteri fluturonte mbi burg, ajo u hodhi poshtë Alket Rizait dhe Paleokostas-it një shkallë prej litarësh. Ajo grua mendohet se ishte Mitropia, e dashura e Alket Rizait.

Një roje i dëshpëruar u vu pas tyre, por Alket Rizai nxori një hell qebapësh dhe e paralajmëroi: "Tërhiq ose do të ta ngul". "Të ikim," bërtiti Paleokostas dhe piloti e ngriti levën në maksimum.

Poshtë në burg dukej sikur ishte një turmë me tifozë në një ndeshje futbolli, të dënuarit përshëndesnin dhe brohorisinin. Por sapo u mbyll dera e helikopterit, tre roje kapën automatikët e tyre MP5 dhe nisën të qëllojnë, duke goditur me mbi 30 plumba mjetin e arratisë. Një prej tyre ra në depozitën e karburantit, që nisi të shpërndahej në kabinë dhe piloti nisi që të thoshte një lutje. Edhe pse i qëlluan, plumbat nuk kapën askënd.

Në të njëjtën kohë, një grua nga një apartament aty pranë nisi të regjistronte me kamera një video që është kthyer në hit në YouTube.

Në fund për shkak të karburantit bënë ulje emergjence. Lajmi në mbarë Greqinë, por edhe botën ishte arratisja e dytë nga burgu e Alket Rizait dhe mikut të tij Paleokosta. Këtej e andej kufirit nisën lajmet e legjendat për aventurat e Alket Rizait. Rizai, Mitropia dhe Paleokostat.

Disa muaj më vonë, më 17 nëntor 2009, Rizai u arrestua përsëri në Grammatiko, së bashku me partneren e tij Aspasia Mitropia, e njohur në shtyp si "Sula e Rizait".

2013, tentativa e tretë e arratisjes. Alket Rizai merr peng gardianët

Historia e arratisjeve nuk mbaron me kaq. Në korrik të vitit 2011, nga burgu i Grevenës, Alket Rizai njoftoi një arratisje të tretë, gjatë një interviste për Gazeta Shqiptare.

"Grekët më kanë marrë vitet më të bukura të jetës sime, kështu që unë do të iki përsëri. Nuk do të ndalem, më mirë të më vrasin", deklaronte Alket Rizai.

Në vitin 2013, tentoi ikjen e tretë herë nga burgu i Malandrinos. Ai mori peng pesë roje burgu dhe pasoi një negociatë e gjatë me autoritetet. Nga Shqipëria, nëna e tij i dha mesazh përmes mediave.

Pas rreth 24 orësh, më në fund Rizai iu dorëzua Policisë.

25 vite në burgjet e Greqisë, Alket Rizai mbrojtësi i shqiptarëve të burgosur

Nëse nuk do të kërkonte dëshpërimisht lirinë me bindjen apo pretendimet se dënimet e përjetshme ishin të padrejta, sepse krimet për të cilat akuzohej nuk i kishte bërë realisht ai, Alket Rizai do të ishte as më shumë e as më pak një shqiptar më tepër në burgjet greke. Dy arratisjet e tij të bujshme me helikopter bënë jehonë në mediat ndërkombëtare, ndërsa shteti grek u detyrua të pranonte inteligjencën e lartë të shqiptarit nga Mallakastra.

Por gjatë viteve në burg raportohet se ka qenë një mbështetje e madhe për shqiptarët në burgjet e Greqisë duke i mbajtur pranë vetes. Fotot nga qelitë tregojnë vëllazërinë tij, ku nuk mungon kurrë flamuri kombëtar kuqez i por nuk mungojnë as pasionet e tij, futbolli. Një tifoz i çmendur i Barcelonës që në vegjëli, ku fanella e katalanasve është ajo e preferuara.

Alket Rizai i frymëzuar nga revolucionarët, idhulli i tij "Che Guevara"

Idhulli i Alket Rizait është Ernesto Che Guevara që e gjen në çdo qeli ku ka qenë. Motoja e Rizait i frymëzuar nga shprehja e famshme: "Më mirë të vdes në këmbë sesa të jetoj në gjunjë."

Shprehje, e cila është shkruar në murin e çdo qelie që ai ka qëndruar i burgosur.

Metamorfoza e Alket Rizait

Ndryshimi i pamjes së Alket Rizait ndër vite tregojnë qartë jetën e vështirë që ka kaluar në burgjet e Greqisë. Emisioni "Drit'hije" publikon per here të pare pamje te fundit të tij. Një ndryshim drastik në pamje, që për dikë që mund ta shohë për herë të parë, nuk do ta njihje që është Alket Rizai, por ai vijon gjithmonë të jetë në këmbë dhe emri i tij në qendër të vëmendjes, duke u bërë një nga personazhet më të përfolur në mediat greke në 25 vitet e fundit në kronikën e zezë. Madje këngëtari grek Tus ka bërë edhe një këngë kushtuar Alket Rizait. Këngëtari Tus u sulmua nga ekstremistët grekë për këngën që i kushtoi Rizait.

Alket Rizai tjetër

Në 4 shtator 2017, tërhoqi sërish vëmendjen e opinionit publik, por këtë herë me një gjest human. Ai angazhoi të dënuarit e tjerë në burgun ku ai vuante dënimin, që të paguanin para për të mbledhur të ardhura në ndihmë të vogëlushes 8-vjeçare Evangelia Kastrinaki. E mitura nga Kreta ishte diagnostifikuar me kancer, dhe për të marrë një trajtim të specializuar në Britani të Madhe, i duheshin para, familja e së cilës nuk i kishte dhe beri apel ne televizion. Alket Rizai telefonoi të atin e vajzës dhe i tha se mbledhi lekë nga të burgosurit për të dhënë sadopak ndihmë në shpëtimin e jetës së vajzës 8-vjeçare.

Viti 2013, Alket Rizai: Do të tentoj të arratisem gjithmonë! 14 shtator 2026, shqiptari mban fjalën, arratiset sërish

Në shtypin shqiptar në Greqi në gazetën "Tribuna", 13 vite më parë Alket Rizai ka

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.